

Wolof - Goreel na Dee Mbind - Free from Death Scriptures

Room 6:23 Ndaxte peyu bakkhaar mooy dee, waaye mayu Yalla mooy dund gu dul jeex ci Yeesu Kirist sunu Boroom.

Room 8:2 Ndaxte kattanu Xelum Yalla, tukkee ci Kirist Yeesu, di may nit dund gu bees, goreel na ma ci nootaangeeg bakkhaar ak dee.

2 Timote 1:10 Te leegi biral na ko ci feeñug sunu Musalkat Kirist Yeesu, mi nasaxal dee te feeñal dund ci xebaar bu baax bi, te muy dund gu sax.

Saboor 9:13(14) Ey Aji Sax ji, baaxe ma, gisal naqar wi ma bañ yi teg. Yaa may yékkatee fa bunti ndee,

Esekeel - Esekiyel 37:12,13 Kon nag biralal waxyu, ne leen: "Boroom bi Aji Sax ji dafa wax ne: Yeen sama ñoñ, maa ngii di ubbisi seeni bammee, dekkale leen ca seeni bammee, delloosi leen kaw suufas Israyil. 13 Yeen sama ñoñ, bu ma ubbee seeni bammee, ba yékkatee leen ca seeni bammee, dingien xam ne maay Aji Sax ji.

Peeñu 20:13 Noonu géej gëq néew, yi nekkoon ci moom; dee ak barsaq deloo néew, ya ñu yoroon. Nu àtte ñépp ci seeni jef.

Macé 27:52 te ñu bare ci jemmi nit ñu sell ñu dee, dekki.

Njálbéen ga 2:7 Noonu Yalla Aji Sax ji móol nit ci pëndu suuf, sol ngelawal dund ci paxi bakkanam, nit daldi doon boroom bakkan.

Njálbéen ga 6:17 «Maa ngi nii di indi mbënnu ndox ci kaw suuf, mu far lépp luy dund lu asamaan tiim; te lépp lu nekk ci kaw suuf dina dee.

Njálbéen ga 7:15 Lépp luy boroom bakkan def na ñaar-ñaar, ànd ak Noyin, dugg ca gaal ga,

Njálbéen ga 7:22 Mboolem mbindeef muy boroom bakkan ci kaw suuf a bokk dee.

Jéfi Ndaw ya Kirist Yónni 17:25 Du jariñu it ci loxoy nit, mel ni dafa soxla dara, ndax moom mooy jox ñépp bakkan ak ruu ak lépp. (Ayóoba 12:10)

Peeñu 13:15 Mayees ko it, mu dundloo nataalu rab wa, waxloo ko, ba képp ku jaamuwal nataalu rab wa rekk ñu rey la.

Yowaana 10:10 Sacc bi moom, day saccsi rekk, di rey ak a yaq. Man damaa ñew, ngir nit ñi am dund, ba nekk ci naataange.

Peeñu 22:1 Noonu malaaka ma won ma dexu ndoxum dund, mu leer ni weer bu set, di génn ca gàngune mu Yalla ak Mbote ma,

Yowaana 4:10 Noonu nag Yeesu tontu ko: «Soo xamoon li Yalla maye, xam ki lay ñaan ndox, kon yaw ci sa bopp, yaa koy ñaan, te moom dina la may ndoxum dund.»

Yowaana 4:14 waaye ndox, mi may joxe, ku ci naan du marati mukk, ndaxte day nekk ci moom bëtu ndox buy ball, di joxe dund gu dul jeex.»

Kàddu yu Xelu - Misaal 13:14 Ngangle mu xelu day suuxat bakkan, ba boroom

du tàbbi ci fiiri ndee.

Kàddu yu Xelu - Misaal 14:27 Raga; Aji Sax ji day suuxat bakkan, ba boroom du tàbbi ci fiiri ndee.

Esekeel - Esekiyel 13:17-23 «Yaw nit ki, janool ak sa bokk yu jigéen, yi waxe waxyu ci seen xelum bopp, nga wax waxyu fi seen kaw. 18 Neel: "Boroom bi Aji Sax ji dafa wax ne: Wóoy ngalla jigéen ñiy sàkkal ku ne jarab xérém, di ràbbal ku ne muuraayu xérém bu ko jot, di ko moome nit ñii! Man ngeena aakimoo bakkanu askan wi ma séddoo tey sàmmaale seen bakkanu bopp? 19 Bu ngeen di fen sama ñoñ ñiy dégluy fen, yéena ngi may teddadil fi sama ñoñ, ngir njëbu peppum lors ak dogu mburu, ba tax leen di rey bakkan yu warula dee, di musal bakkan yu warula dund. 20 Moo tax Boroom bi Aji Sax ji dafa wax ne: Maa ngii di dal ci seen kaw jaray xérém, yi ngeen di nappe ay bakkan niy picc. Seeni jara laay foqatee ci seeni loxo, ba yiwi bakkan, yi ngeen di napp niy picc. 21 Maay foqati seeni muuraay, génne sama ñoñ ci seeni loxo, ñu noppee doon seen um pàdd, ba ngeen xam ne maay Aji Sax ji. 22 Gannaaw yéena fen ba jeexal xolu aji jub, te du maa ko teg u naqar, gannaaw yéena dooleel ku bon, tere koo dëpp yoonu mbonam ba dund, 23 dungeen gisati nag peeñuy caaxaan, dungeen gisaaneeti. Maay génne sama ñoñ ci seeni loxo, ngeen xam ne maay Aji Sax ji."»

Yeremi 21:8 «Te itam nga wax askan wii ne leen: "Aji Sax ji dafa wax ne: Maa ngii di teg fi seen kanam yoonu dund ak yoonu ndee.

Macë 7:13,14 «Jaarleen ci bunt bu xat bi, ndaxte bunt bi ak yoon wi jëm sàñku yaatu nañu, te ñi ciy jaar bare. 14 Waaye buntu dund gu wóor xat na, te yoon wi jëm kaw sew na, te ñi ko gis barewul.

Sabóor 16:10 Doo ma wacc njaniiw moos, sa wóllëre wa, doo ko won yàqutey bàmmel.

Sabóor 23:4 Su may jaare xuru ndee wu ne këruus it, duma ragal loraange: yaw laak man, sa bantu sàmm ak sa nguul, yooyoo may dalal.

Sabóor 30:3(4) Aji Sax ji, yaa ma jukkee njaniiw, may ma bakkan, ma tàggook ñiy tàbbi njaniiw. (Ayóoba 33:22)

Sabóor 49:15 Waaye Yàllaa may musal ci dooley njaniiw, jot sama bakkan, ba jël ma. (Ose 13:14)

Sabóor 56:13(14) Yaa ma rawale, ba deewuma, te duma tèrëf. Damay daagu fi kanam Yàlla, ci biir leelu àddina.

Sabóor 68:20(21) Sunu Yàllaa di Yàlla jiy walloo, Aji Sax jiy Boroom beey musal bakkan.

Sabóor 89:48(49) Ana kuy dund te du dee? Ku mana rëcc tèraayu bàmmel?
Selaw.

Sabóor 102:20,21 nde Aji Sax jeey jéere fu sellam fa ca kaw, di niire suuf fa asamaan, 21 ngir teewlu onki ñi ñu tèj, nara ubbi ñi dee di seen àtte,

Sabóor 116:3,8 Buumi ndee a ma laawoon, njàqarey njaniiw dab ma, ma dajeek naqar ak u tiis. 8 Xettli nga ma, ba deewuma, jàapple ma ba tèrëfuma, feral

nga it samay rongooñ.

Kàddu yu Xelu - Misaal 10:2 Alal ju lewul du jariñ; jub, mucc ci gàtt fan.

Macë 15:4 Yàlla nee na: "Teralal sa ndey ak sa baay," te it: "Ku móolu sa ndey walla sa baay, dees na la rey."

Màrk 13:22 Ndaxte ñiy mbubboo turu Kirist ak ñiy mbubboo turu yonent, dinañu feeñ, di joxe ay firnde yu réy ak ay kéemaan, ba ciy nax sax ñi Yàlla tånn, su loolu manoon a am.

Yowaana 5:28,29 «Bu leen ci dara jaaxal; ndaxte jamonoo ngi ñëw ju néew yépp, yi nekk ci seen bàmmeel, di dégg baatam tey génn. 29 Ñi daan jëf lu baax dinañu dekki, dund ba fàww, waaye ñi daan jëf lu bon, dinañu dekki, ñu daan leen. (Esai 26:19)

Yowaana 10:28 Dama leen di jox dund gu dul jeex; duñu sàngku mukk, te kenn du leen jèle ci sama loxo.

Yowaana 11:43,44 Bi mu waxee loolu, Yeesu woote ak baat bu dëgér ne: «Lasaar, ñëwal ci bitil!» 44 Néew bi daldi génn, ñu gis càngaay, li ñu takke woon tànk yi ak loxo yi, ak kaala, gi ñu muure woon kanam gi. Yeesu ne leen: «Tekkileen ko, bàyyi ko mu dem.»

Yowaana 12:17 Ña nekkoon ak Yeesu ñépp, bi muy wooyee Lasaar mu génn ca bàmmeel ba te mu dekkal ko, demoon nañu, nettali la ñu gis.

Yowaana 17:2 Ndaxte jox nga ko sañ-sañ ci bépp mbindeef, ngir mu may dund gu dul jeex gi ñi nga ko dénk.

1 Korent 15:19-26 Su fekkee ci giiru dund gii rekk la sunu yaakaar ci Kirist ame solo, kon noo gën a mat a yérëm ñépp. 20 Waaye léegi Kirist dekki na, di ku jëkk a dekki, ni gub yi ñu jëkk a tànne ci ngóob mi, jagleel leen Yàlla. 21 Gannaaw ci nit la dee jaar, dugg àddina, kon it ci nit la ndekkite jaar. 22 Kon ni ñépp deeye ci seen bokk ci Aadama, noonu la ñépp di dundaate ci seen bokk ci Kirist. 23 Waaye ku nekk ak ayam. Kirist moo jëkk, mel ni gub yi ñu jëkk a tànne ci ngóob mi, ba noppi, bu Kirist dellusee, ñi bokk ci moom jël seen ay. 24 Gannaaw ga, mujug jamono taxaw, te Kirist dina noot gépp kilifa ak bépp sañ-sañ ak doole, ba noppi delloo nguuri gi kiy Yàlla di Baayam. 25 Ndaxte fàww Kirist nguuru, ba kera Yàlla di daaneel noonam yépp ciy tànkam. 26 Noon bu mujj, bi mu fiy jèle, mooy dee.

2 Korent 1:9,10 Demoon nanu ba defe ne, dogalees na sunug dee. Loolu amoon na, ngir nu bañ a wéer sunu yaakaar ci sunu bopp, waaye nu wéer ko ci Yàlla, miy dekkal néew yi. 10 Moo nu musal ci dee gu metti googu te dina nu musalaat. Ci moom lanu wékk sunu yaakaar ne, dina nu musalaati,

2 Korent 3:6 Moo nu jox kàttan, nu nekk ndaw yuy xamle kóllëre gu bees gi. Te kóllëre googu ajuwul ci ay sàrti diine, waaye mi ngi aju ci jëfu Xelum Yàlla. Ndaxte sàrti kese day jëme ci dee, waaye Xelum Yàlla dafay joxe dund.

Kolos 1:21,22 Te yéen ñi sore woon Yàlla te doon ay noonam ci seen xel ak seen jëf yu bon, 22 léegi nag Yàlla jubale na leen ak boppam jaare ko ci deewu Kirist ci yaramu nitam, ngir taxawal leen ca kanamam, ngeen sell te

ñàkk sikk ak i ñàññ.

2 Timote 3:8,9 Kiy topptoo li mbooloo miy jëfandikoo itam na am faayda te fonk kàddoom; bumu di ku yàqu ci sangara, mbaa ku alal jiital. 9 Na sàmm mbóoti ngëm gi ak xel mu dal.

Yawut Ya 2:9 Waaye gis nanu Yeesu. Wàcce nañu ko, def ko mu gën a suufe tuuti malaaka yi, ngir mu dee ci wàllu ñépp, ndaxte loolu la Yàlla dogal ci yiwan. Waaye léegi Yàlla kaalaa na ko teraanga ak ndam ndax coono bi mu daj ba dee.

Yawut Ya 2:14,15 Doomam yooyu muy wax, nit kese lañu. Looloo tax Yeesu it moom ci boppam, wàcc na, jëmmoo ni ñoom, ngir dee, ba man caa daaneel Iblis, mi yore dooley dee. 15 Noonu mu yiwi nit, ñi meloon ni ay jaam seen giiru dund gépp ndax ragal a dee.

Yawut Ya 11:5 Ngëm moo tax ba Enog jaarul ci dee. Yàllaa ko yóbbu ca moom, te kenn gisatu ko, ndaxte Yàllaa ko toxal. Ndaxte Mbind mi seedeel na ko ne, laata muy toxu, neex na Yàlla.

1 Piyeer 3:18 Yéen jaam yi déggal-leen seeni sang ak wegeel gu mat sëkk, waxuma ñi baax te lewet rekk, waaye sax ñu wex ñi.

2 Piyeer 1:3 Dooley Yàlla moo nu may lépp lu aju ci dund gu sax ak ragal Yàlla, jaarale ko ci xam gi nu ko xam, moom mi nu woo ci kaw ndamam ak dooleem.

2 Piyeer 2:1,3 Waaye ci bànni Israyil, amoon na naaféq yu mbubboo turu yonent, ni muy ame seen biir ñuy mbubboo turu jàngalekat. Ci seeni pexe dinañu dugal ci yeen xalaat yu sàanke, di weddi Boroom bi leen jot, tey yóbbe seen bopp alkande ju teew. 3 Seen bëgge dina tax, ñu dàbbdaaxe ay wax, ngir nax leen, ba lekk seenus tuut. Waaye àtte baa ngi leen di xaar, te seen alkande di leen teeru.

1 Yowaana 3:14 Mbëggeel gi nu bëgg sunuy bokk moo nuy xamal ne, jóge nanu ci dee, tàbbi ci dund. Ku bëggul sa mbokk, yaa ngi ci dee ba tey.

1 Yowaana 5:11 Te seede si mooy lii: Yàlla jox na nu dund gu dul jeex, te dund googoo ngi ci Doomam.

Peeñu 21:6 Mu teg ca ne ma: «Lépp mat na! Maay Alfa ak Omega, njàlbéen gi ak muj gi. Ku mar, dinaa la may ci bëtu ndoxum dund mi, te doo fey dara.

Ayóoba 5:2; 33:4; 34:22

Esayi 28:15,18 covenant with death, and agreement with hell - Yàlla breaks.

Esayi 5:24 rotton root

Yowel 1:12 withered joy

Ose 13:15 dry spring & dry fountain